

ՊԱՇՏԱՄՈՒՆՔԱՅԻՆ ՇԻՆՈՒԹՅՈՒՆՆԵՐԸ, ՔՐՄՈՒԹՅՈՒՆԸ, ԾԵՍԵՐԸ
ՆՎ ՏԻԵԶԵՐՔԻ ԵՌԱՄԱՍՆՈՒԹՅԱՆ ՄԱՍԻՆ ՊԱՏԿԵՐԱՑՈՒՄՆ ՈՒՐԱՐՏՈՒՈՒՄ

Ս. Գ. ՀՄԱՅԱԿՅԱՆ

Պաշտամունքային շինություններ: Ուրարտական արձանագրություններում հիշատակվում են աստվածություններին ձոնված մի քանի շինություններ՝ E («տուն»), E.BAR («տաճար»), F.BAR ŠA.DI («լեռնալիճ տաճար»), E.BÁR TUR («փոքր տաճար»), iarane («տաճար»), suse («տաճար»), KÁ (šeštele) («դարպաս»), ¹ puluse («կոթող»), širihane, ² ašišuse: Հայտնի է նաև մի փաստ աստվածությանը (Կուերային) աղբյուր ձոնելու մասին:

Ե «տուն», այս բառի ուրարտերեն անունը հայտնի չէ: Ե գաղափարագրով նշանակվել են ինչպես աշխարհիկ, այնպես էլ պաշտամունքային կառույցները: Վերջիններս, այժմյան տվյալներով, ձոնվել են միայն հալդե աստծուն և պալատական համալիրի մասն են կազմել:

Էրեբունից հայտնի են յոթ արձանագրություններ, որոնք պատմում են իրգիշթե I-ի (781—760 թթ.) կողմից հալդեին Ե տաճար ձոնելու մասին: Նըման տաճար հալդե աստվածությանը ձոնել է նաև Մինուա արքան (810—781 թթ.) Մինուախինելի քաղաքում և Վանա լճի հյուսիս-արևելյան ափի մոտ, ինչպես և Սարգուրե II արքան (760—730 թթ.)՝ Արգիշթեխինելում:

Կ. Լ. Հովհաննիսյանը ուրարտական տաճարները բաժանում է երեք հիմնական ձևերի՝ 1. ուղղանկյուն, լայնակի զարգացումով, 2. ուղղանկյուն, երկալայնակի զարգացումով, 3. քառակուսի: Նա գտնում է, որ առաջին ձևով են կառուցված էրեբունի (նկ. 1₁) և Մինուախինելի (նկ. 1₂) տաճարները¹, որոնք թերևս հենց Ե գաղափարագրով նշանակվող հալդեի տաճարներն են: Սրանք ունեցել են ներքին բակ, աշտարակ և սյունասրահ²:

E.BAR «տաճար». Ն. Վ. Հարությունյանի կարծիքով այս շինության անունը ուրարտերենում հնչել է gudulani ձևով³, նման շինություններ կառուցել է Ռուսա I-ը (730—714 թթ.) Մուծածիրում, Ռուսա II-ը (685—645 թթ.)՝ Ռուսախինելում և Թելեքախինում: Ըստ Թոփրաքկալեից գտնված մի սեպագիր սալիկի նման տաճար կառուցված է եղել և Կիլիբանն երկրում:

E.BAR գաղափարագրով նշանակվող տաճարներն ամենայն հավանականությամբ ուրարտական տաճարների ճարտարապետական հորինվածքի երրորդ ձևն են կազմում և հայտնի են Թոփրաքկալեի (նկ. 1₆), Ճմինի [Ալթին-թեփեի (նկ. 1_{3, 7})], Ագնավուրթեփեի, Կալալիգերեի (նկ. 1₄), Հայկաբերդի⁴ (Չավուշթեփե) պեղումներից: Թոփրաքկալեի տաճարը ունեցել է չորս անկյունային աշտարակներ, ցեղա և ճշգրտորեն կողմնորոշված է եղել դեպի աշ-

¹ К. Л. Оганесян. Урартские корни древнеармянского зодчества.— Древний Восток и мировая культура (ДВМК), М., 1981, с. 81.

² Նույն տեղում: Կ. Լ. Հովհաննիսյանի կարծիքով ուրարտական առաջին կերպի տաճարների հորինվածքային առանձնատվություններն իրենց արտահայտությունն են գտել Թանահատի, Կիլիկի, Դիլարարի բազիլիկաների ճարտարապետությունում (նույն տեղում, էջ 92):

³ Н. В. Арутюнян. Новые урартские надписи Кармир-блуга (НУНК). Ереван, 1966, с. 15.

⁴ Հայկաբերդի տաճարը կառուցված է եղել Սարգսրե Արգիշթորու կողմից և ձոնված էր—մուշինն աստծուն (տե՛ս Recent archaeological research in Turkey.—Anatolian Studies Journal of the British Institute of archaeology at Ankara. Vol. XIV, 1964, p. 23).

խարհի շորս կողմերը: Ալթինթեփեի տաճարը ունեցել է նաև սյունաշար՝ ցե-
լայի շուրջը (նկ. 13):

Suse. «սուսեն» ուրարտական տաճարների ավելի տարածված ձևն է եղել: Հայտնի է, որ նման տաճարներ կառուցվել են Իշպուինե, Իշպուինե և Մինուա, Մինուա, Արգիշթե I, Ռուսա II արքաների գահակալության տարիներին: «Սու-
սեն» Կ. Լ. Հովհաննիսյանի առանձնացրած տաճարների երրորդ խումբն է կազ-
մում: Մ. Ա. Իսրայելյանը «սուսեն» բնորոշել է որպես «պալատական գողտ-
րիկ տաճար»։ ձոնվել է հիմնականում հալդե աստծուն⁵: Հայտնի է մեկ բա-
ցառություն. էրեբունում եղել է «սուսեն»՝ ձոնված Իվարշա աստվածությանը:
Ենթադրվում է, որ Մուծածիրի տաճարը [նկ. 15 (պատկերված է Դուր-Շարու-
կինի XIII դահլիճում)], «սուսեն» է եղել⁶: Հնարավոր է, որ suse հասկացու-
թյունը նշանակվել է É.BAR TUR («փոքր տաճար») գաղափարագրով. նման
մի տաճար է հիմնել Ռուսա II-ը Թելլեբրահինում:

Ամենայն հավանականությամբ հալդեին ձոնված «սուսեն» տաճարներում
իրագործվել է նաև այլ աստվածությունների պաշտամունքը. այդ մասին է վկա-
յում ՄՇերի դռան արձանագրությունում «հալդե աստծու suse-ի աստվածնե-
րին» կատարված զոհաբերությունը: հալդեին ձոնված այս տաճարներում կա-
տարվել են նաև Ուարուբահինին կամ Ուարուբահինին և հալդեին նվիրված
արարողություններ, այսպես. Մուծածիրում այս դիցուհին պաշտվել է հալդեին
ձոնված տաճարում: Բացի այդ, Աշտուակերտի արձանագրությունում խոսվում
է հալդեին «սուսեն» ձոնելու մասին և միաժամանակ կարգադրվում է հալդեի
հետ միասին զոհեր մատուցել նաև Ուարուբահին դիցունհին⁷:

Iarane. Իարանե շինություն հիմնադրելու մասին խոսվում է ուրարտա-
կան երեք արձանագրություններում. Իշպուինե և Մինուա, ինչպես և Ռուսա I
արքաները հալդե աստծու համար այսպիսի տաճարներ են հիմնել Մուծածի-
րում, իսկ Մինուա արքան՝ Շեբեթերիայում: Ռուսա I-ը Մուծածիրում կառու-
ցել է մեկից ավելի նման տաճարներ, որոնք ձոնվել են տարբեր աստվածու-
թյունների: Այս տաճարների կառուցման մասին խոսելիս Ռուսա I-ը նշում է,
որ դրանք հիմնադրվել են բարձր լեռնային ճանապարհի վրա⁸: Ամենայն հա-
վանականությամբ լեռնային ճանապարհի վրա է կառուցվել նաև Իշպուինե և
Մինուա արքաների հիմնած տաճարը: Արձանագրությունում այս հանգաման-
քի հատուկ շեշտված լինելը հիմք է տալիս ենթադրելու, որ «Իարանե» տա-
ճարներն ունեցել են նաև ճանապարհորդներին ապաստան տալու նպատակ:
Հնարավոր է, որ այս տաճարները նշանակվել են նաև É.BAR ŠA.DI («լեռ-
նային տաճար») գաղափարագրով: նման տաճար է հիմնել Ռուսա I-ը Մու-
ծածիրում:

Iarane հասկացությունը Կելիշինի երկլեզվյան արձանագրության ասու-
րական տեքստում համապատասխանում է par(akku) «տաճար» կամ այլ
ընթերցմամբ՝ mas(šakku) «բնակարան» բառը¹⁰:

Գ. Ա. Մելիքիշվիլին գտնում է, որ «Իարանեները» եղել են փոքր շինու-
թյուններ և բացատրում է «часовня» բառով: Սակայն, ըստ Կելիշինի արձա-
նագրության տվյալների, Իշպուինե և Մինուա արքաներն իրենց նոր հիմնած
Iarane տաճարին նվիրել են զենքեր, անոթներ, անասուններ: Հետևաբար խոսքն
այստեղ ոչ թե մատուռի, այլ համալիրի մասին է, որն ունեցել է իր տնտեսու-
թյունը. ուրեմն նաև՝ սպասարկող անձնակազմ ու օժանդակ շինություններ:

⁵ Մ. Ա. Իսրայելյան. էրեբունի բերդ-քաղաքի պատմություն. Երևան, 1971, էջ 78.


⁶ К. Л. Оганесян. Указ. соч., с. 81.

⁷ Г. А. Меликшвили. Урартские клинообразные надписи (УКН). М., 1960, № 25, стр. 10.

⁸ УКН, № 264, урарт. текст, стр. 4—5.

⁹ УКН, № 19, урарт. текст, стр. 5—7.

¹⁰ И. И. Мещанинов. Аннотированный словарь урартского (биайнского) язы-
ка. Л., 1978, с. 137.



Ամենայն հավանականությամբ ճիշտ է Ի. Ի. Մեշչանինովի տեսակետը, որը արագ բառը թարգմանում է «обителъ» ձևով:

КА, ^СКА, КА^{МЕС}, šeštele «գարպաս» («գարպասներ»)։ ուրարտական արձանագրություններում ամենից հաճախ հիշատակվող պաշտամունքային շինությունն է։ Ուրարտում մ. թ. ա. IX դարում արդեն կային «գարպասներ»՝ ձոնված հալդե, Թեյշեբա, Շիվինե, Ուա աստվածություններին, որոնք կառուցված են եղել թերևս նախքան ուրարտական պետականության կազմավորվելը։ Ուրարտական արքաները, հայտնի տվյալների համաձայն, «գարպասներ» են ձոնել միայն հալդե աստծուն։

«Դարպասների» ձևի մասին կան տարբեր կարծիքներ։ Բ. Բ. Պիոտրովսկին և Ի. Մ. Գյակոնովը գտնում են, որ դրանք ժայռափոր որմնախորշեր են, որոնք կարող են ունենալ նաև կից պաշտամունքային կառույցներ։ Այդպիսին էր, օրինակ, Մհերի դուռը, դեպի ուր բարձրանում էին աստիճաններ, իսկ ժայռի ստորոտին, որի վրա փորված է «դուռը», կա ժայռափոր մի սենյակ, ինչպես և Աշտուկերտի որմնախորշը, դեպի ուր բարձրանում են յոթ աստիճաններ և որի վրա նույնպես փորագրված է պաշտամունքային բովանդակություն ունեցող արձանագրություն։ Որ «գարպաս» հասկացությամբ իրոք նշանակվում էին հիմնականում որմնախորշերը¹¹, վկայում է նաև Մհերի դռան արձանագրության հետևյալ հատվածը. «հալդե աստծուն, տիրոջը՝ Իշպուհին և Սարդուրուդին և Մինուա Իշպուհինորդին այս դարպասները կառուցեցին»¹²։

Բացի այս, Մհերի դռան արձանագրությունը (շատ ավելի վաղ, քան կարգացվել են ուրարտական սեպագրերը) հայերը «դուռ» են անվանել. ավանդույթ, որն ամենայն հավանականությամբ ուրարտական արմատներ պիտի ունեցած լինի։

Գ. Ա. Մելիքիշվիլին, սակայն, գտնում է, որ «գարպասներ» են անվանվել ուրարտուի հիմնական պաշտամունքային կառույցները՝ տաճարները, քանի որ «գարպասների» կառուցման մասին արձանագրությունները գրված են շինարարական քարերի վրա և որ, օրինակ, ամրոցի և «գարպասների» կառուցման մասին խոսելիս օգտագործվում է նույն՝ 𐎶𐎠𐎺𐎠 «կառուցել» բայը, որը նրա կարծիքով անհարկի է, եթե խոսքը ժայռափոր որմնախորշերի մասին է։ Բացի այդ, նա մատնանշում է Մինուա արքայի Գյուղակի արձանագրությունները, որ միևնույն շինության մասին խոսելիս Մինուան մի դեպքում ասում է, որ կառուցել է «գարպասներ», մյուս դեպքում՝ «տուն հալդե աստծու համար»¹³։

Վերահիշյալ երկու տեսակետն էլ հիմնավորված են փաստերով և միմյանց չեն հակասում. ընդհակառակը, լրացնում են իրար։ Ամենայն հավանականությամբ «գարպասներ» հասկացության ներքո նկատի է առնվել ինչպես առանձին մի կառույց՝ որմնախորշը, այնպես էլ մի ամբողջ համալիր՝ տարբեր տաճարներով, օժանդակ կառույցներով, տնտեսությամբ ու համապատասխան տարածքով։ Այդպես են ընկալվում «գարպասները» Կելիշինի արձանագրությունում. «... (Իշպուհին) մատուցեց կրկին շատ անասուն, դրեց այդ ամենը (հ)ալդե աստծու դարպասների մոտ և տվեց (հ)ալդե աստծուն, հանուն իր կյանքի։ Նա բերեց 1112 ցուլ, 9120 այծ և ուլ, աղատ (օգտագործման համար, ինչպես նաև) 12480 մեծ այծ՝ զոհաբերությունների (համար)»¹⁴։ Այնուհետև՝ «(հ)ալդե աստծու Արդինե քաղաքի դարպասներից ազատ (°) անասունը (°)»

¹¹ Б. Б. Пиотровский. Ванское царство. М., 1959, с. 208; И. М. Дьяконов. Предыстория армянского народа. Ереван, 1968, с. 147.

¹² УКН, № 27, стрк. 1—2, 32—33; И. М. Дьяконов, Г. А. Мелликишвили. Древневосточные материалы по истории народов Закавказья, I. Напр.—Урарту.—Вестник древней истории (ВДИ). 1956, № 2, с. 72.

¹³ Г. А. Мелликишвили. Вопросы социально-экономической истории Урарту.—ВДИ, № 4, с. 32—33, прим. 3.

¹⁴ УКН, № 19, Կրտ. текст, стрк. 7—16, с. 127.

խուլ տանեն, երբ տան (փոխարենը) իրերը¹⁵։ Ինչպես երևում է, այստեղ նվիրարարությունները կատարվում են հալդե աստծու դարպասներին և պիտի որ այդ զոհաբերությունների մի զգալի մասը տնօրիններ հալդե աստծու դարպասների քրմությունը։ Իսկ նույնիսկ ոչ շատ երկար ժամանակ 1112 ցույներին և 9120 այծերին ու ուլերին պահելու և խնամելու համար անհրաժեշտ էր ունենալ բավականին մեծ տարածություն (արոտատեղի), գոմեր և աշխատող ձեռքեր՝ այսինքն լավ կազմակերպված տնտեսություն։

Խոփուզավայի արձանագրությունում Ռուսա II-ը հաղորդում է, որ «...հալդե աստծուն, տիրոջը տաճար (E.BAR ŠA.DI) նրա աստվածայնությունը, դարպասներում ես կառուցեցի»¹⁶, Հետևաբար պիտի ենթադրել, որ «դարպասները» ընդգրկել են բավականին մեծ տարածք, ուր կարելի էր տաճար կառուցել։

Իացի այդ, դժվար է պատկերացնել, որ Մհերի դուռն արձանագրությունում հիշատակված Թեյշեբայի մեծ պաշտամունքային կենտրոն էրիդիայում և Շիվինի աստծու պաշտամունքային կարևոր կենտրոն Ուիշինեում եղել են միայն նրանց ձեռնված որմնախորշեր կամ մեն մի տաճար (Մհերի դուռն արձանագրությունում զոհեր են մատուցվում «Ուիշինե քաղաքի Շիվինե աստծու դարպասներին» և «էրիդիա քաղաքի Թեյշեբա աստծու դարպասներին»)։ Անկասկած ալստեռ ևս «դարպաս» ասելով՝ հասկացվել է տաճարային մի ամբողջ համալիր՝ օժանդակ կառույցներով և այն սպասարկող քրմությամբ հանդիսանում։

Իմենայն հավանականությամբ, «դարպաս» (պաշտամունքի առումով) ասելով՝ ուրարտական արձանագրություններում նկատի են առնվել նաև քաղաքի կամ ամրոցի իրական դարպասները։ Այս մասին է վկայում Իշպուինե արքայի հալդեին ձեռնված «դարպասի» մասին պատմող արձանագրությունը, որը գտնվում է Վան քաղաքի միջնաբերդի արևելյան դարպասի մոտ¹⁷ և նկատի ունի հենց այդ՝ այժմ «Թավրիզյան» կոչվող մուտքը։ Այս հանգամանքը բացառիկ մի երևույթ է՝ չպետք է դիտել, քանի որ երբեմն քաղաքների կամ մեծ ամրոցների դարպասները ձեռնվում էին այս կամ այն աստծուն, մասնավորապես Սիպուրի դարպասներից մեկը ձեռնված էր էնլիլ աստծուն, Հոռմի դեպի Պորուս տանող դարպասը՝ Յանուս աստծուն, Վաղարշապատում կար դարպաս՝ ձեռնված Արեգին և այլն։

Տաճարի կամ ամրոցի դարպասը ուներ բավականին մեծ նշանակություն, օրինակ՝ հեթիթական արքայական ծիսակարգում. որոշ ծեսեր սկսվում էին առավոտյան վաղ, պալատի դարպասների բացումով, որոնց միջև հայտնվում էր արքան. տեսարան, որը նմանեցվում էր օրվա բացման ու արևածագի հետ։

Վ. Գ. Արձինբան, քննարկելով դարպասների պաշտամունքը հեթիթական աշխարհում, մատնանշում է նաև, որ դրանք կարող են դիտվել որպես անցում աշխարհիկ ու պաշտամունքային աշխարհների միջև։ Նման նշանակություն կարող էին ունենալ ոչ միայն արքայական պալատի դարպասները, այլև հասարակության մյուս անդամների տների դռները առօրյա կյանքում¹⁸։

Ըստ երևույթին ժայռափոր «դարպասների» մասին Ուրարտուում կար նրման պատկերացում, քանի որ, ինչպես մատնանշում է Բ. Բ. Պիոտրովսկին, առաջավորասիական հավատալիքների համաձայն, համանման դարպասներից էր դուրս գալիս աստվածությունը։ Այս պատկերացումը պահպանված է նաև հայկական էպոսում. էպոսի վերջին ճյուղի հերոսը՝ Փոքր Մհերը, որին այլևս չի կարողանում իր վրա կրել երկիրը, Մհերի դռնով մտնում է Վանա ժայռի

¹⁵ УКН, № 19, уарт. текст, стрк. 23—25, с. 128.

¹⁶ УКН, № 264, уарт. текст, стрк. 13—14, с. 325.

¹⁷ УКН, № 18.

¹⁸ В. Г. Ардзинба. Ритуалы и мифы древней Анатолии. М., 1982, с. 49, 146.

մեջ. մարդիկ սպասում են նրա վերադարձին և դա կապում են համընդհանուր բարեկեցության հետ¹⁹:

Որմնախորշ «դարպասների» առջև եղած տարածքը կրոնական արարողությունների ու զոհաբերությունների վայր էր²⁰: Կային «դարպասներ», որոնց առջև զոհեր էին մատուցվում որևէ մեկ աստծու համար և կար դարպաս, որ ձոնված էր համայն Ուրարտուի աստվածություններին՝ Մհերի դուռը:

Ուրարտուում, ասելով «հալդե աստծու դարպաս», եթե չի նշվում «դարպասի» գտնվելու վայրը, նկատի է առնվել նաև ոչ թե պաշտամունքային որևէ շինություն, այլ այս աստվածության երկնային, առասպելական տաճարը. այլապես անհասկանալի են այն զոհաբերությունները, որոնք մատուցվում են «հալդե աստծու դարպասներին» ընդհանրապես²¹:

NA¹ puluse, puluse «կոթող»²². ուրարտական ամենապարզ և ամենատարածված պաշտամունքային կառույցներից է: Պատվանդանի վրա կանգնած, հարթ, վերևում՝ հաճախ կիսաշրջանաձև ավարտով, արձանագրված, ավելի սակավ՝ առանց արձանագրության ուղղանկյունաձև սյուն է: Ձոնվում էր հիմնականում հալդե աստծուն. հայտնի են միայն վեց կոթողներ, ձոնված այլ աստվածությունների, որոնցից երկուսը՝ Թեյշեբա և մեկական կոթող՝ Շիվինե, հուտուինե, էլիպուրե և Կուերա²³ աստվածություններին:

Կոթողների վրա արձանագրված են Ուրարտուի արքաների հաշվետվությունները հալդեին՝ իրենց կատարած շինարարական աշխատանքների. ռազմարշավների մասին, զոհաբերությունների կատարման կարգն ու ժամանակը, իրենց գոհունակությունը աստծուց նրանից ստացած մեծության ու հաղթանակների համար և նրանց «խնդրագրերը», որոնցում հալդեից (Թեյշեբայից, Շիվինեից, հուտուինեից) խնդրվում է կյանք, ուրախություն, մեծություն և այլ բարիք: Հայտնի են նաև կոթողներ, որոնք ձոնված են աստվածությանը որպես հուշարձան, առանց լրացուցիչ տեքստի:

Այս կոթողները տարածված էին համայն Ուրարտուով, և նրանց առջև կատարվել են մեծ տոնակատարություններ ու զոհեր են մատուցվել աստվածություններին²⁴. Այս կամ այն աստվածությանը ձոնված կոթողներ կային նաև հեթիթական աշխարհի պաշտամունքային կենտրոններում, քաղաքի տարածքում կամ բնակավայրից դուրս, արձակ տարածությունում. սովորաբար պուրակի մեջ, աղբյուրի մոտ և կամ լեռան վրա: Այս կոթողների առջև կատարվում էին արարողություններ ու զոհաբերություններ: Անտախշում ծեսի ժամանակ, օրինակ, Տիպպուվե քաղաքի կոթողի մոտ, արարողություններ էին կատարում ու աստվածությանը զոհեր էին մատուցում հեթիթների թագավորն ու թագուհին²⁵:

Ս. Գ. Բարխուդարյանի կարծիքով ուրարտական կոթողների համար դադարաբարձիչ են հանդիսացել մենհիրներն ու «վիշապները»: Ուրարտական կո-

¹⁹ Այս առումով ուշագրավ է, որ ուրարտական որմնախորշ «դարպասների» վրա երբեմն գրվում էին խնդրագրեր՝ ուղղված հալդե աստծուն (ՄԿՈ, № 27, стр. 76—77): Նրբեմն նրան խնդրագրերով դիմում էին հենց «դարպասներին» (տե՛ս, օրինակ, НУНК, I, стр. 4—5):

²⁰ ՄԿՈ, № 65, стр. 23—36; И. М. Дьяконов. Языки древней Передней Азии. М., 1967, с. 147.

²¹ ՄԿՈ, № 27, стр. 16, 58, № 125, стр. 10, НУНК, I, стр. 8.

²² NA¹ puluse «կոթող» բառով նշանակվում էր արձանագրված կոթողը, երբեմն նաև ընդհանրապես «արձանագրություն» հասկացությունը (В. Б. Пнотровски й. Ванское царство, с. 228):

²³ ՄԿՈ, № 94, 95, 104, 106. Վերջինս ձոնված է հալդեին և Կուերային, թերևս այստեղ նկատի է առնված նրանց միջև գոություն ունեցած ինչ-որ ազգակցական կապ:

²⁴ ՄԿՈ, № 65.

²⁵ В. Г. Ардзинба. Указ. соч., с. 9.

խողներն իրենց հերթին օրինակ են եղել հայկական քառակող կոթողների ու խաչքարերի համար²⁶:

Արժանահիշատակ է, որ հենց ուրարտական պաշտամունքային կառույցները հայերի կողմից ընկալվել են որպես սրբություններ. սրբատեղի էր, մասնավորապես, Մհերի դռան արձանագրությունը, իսկ ուրարտական կոթողները շատ հաճախ վերափոխվում էին խաչքարերի, շարունակելով մնալ պաշտամունքի առարկա: Հետաքրքիր է նաև այն փաստը, որ որոշ հայկական եկեղեցիներ ու վանքեր կառուցված են այն վայրերում, ուր ուրարտական ժամանակաշրջանում եղել են պաշտամունքային շինություններ. մասնավորապես Վարազա վանքը կառուցվել է լեռան վրա, որը ուրարտական ժամանակաշրջանում ևս ունեցել է պաշտամունքային մեծ նշանակություն: Միջնադարյան այս վանքի տարածքում են գտնվել խալդեին և Բյւշեքային ձոնված արձանասյուներ և Լուրի ալ շինարարական բնույթի արձանագրություն:

Լջմիաժնի Մայր տաճարի բեմի տակ հայտնաբերվել է ուրարտական շարձանագրված մի կոթող, որն, ամենայն հավանականությամբ, մինչև եկեղեցու կառուցումը կանգնած է եղել մոտակայքում: Մինուա և Իշպուինն արքաների մի բարակոթող՝ ձոնված խալդե աստծուն, դրված է եղել Վան քաղաքի Սուրբ Պողոս եկեղեցու խորանի պատի մեջ: Այս նույն եկեղեցու պատի շարվածքում դրվել է Մինուա արքայի մեկ ալ արձանագրված կոթող. եկեղեցում պահվել է նաև Սարգուր II արքայի հայտնի կոթողը: Մինուա արքայի մի կոթող էլ դրվել է Սղազի ավերված եկեղեցու պատի շարվածքում: Արձանագրված կոթողներ են պահվել նաև Վանի Սուրբ Պետրոս, Սուրբ Վարդան եկեղեցիներում, Գյուսնեց գյուղի Ս. Հովհաննես եկեղեցում, Մեծփա վանքում, Զվարթնոցում: Արձանագրված քարեր են պահվել Վանի Հայկավանք և Գյուղակի եկեղեցիներում, Կարմրավոր վանքում և այլն: Այսինքն՝ ուրարտական կոթողների և արձանագրված քարերի մի նշանակալից մասը պահվել է հայկական եկեղեցիներում կամ շարվել նրանց պատերի մեջ: Այս (մասնավորապես վերջին) հանգամանքը խորհել է տալիս, որ միջին դարերում ուրարտական կոթողները շարունակում են մնալ պաշտամունքի առարկա և որ դա պայմանավորված էր ոչ միայն կոթողների վերափոխմամբ (դառնում էին խաչքարեր), այլև այն սրբացված վայրի պատճառով, ուր կանգնեցված են եղել այդ հուշարձանները: Այդ վայրերը, հնարավոր է, սրբատեղի են եղել մինչև ուրարտացիների կողմից կոթողների հաստատվելը, մնալով այդպիսին նաև ուրարտական պետականության անկումից հետո, հայկական իրականությունում:

Ե՛ւ Տիրիդանե կառույցը հիշատակված է Ռուսա II-ի Կարմիր բլուրի մեծ և Արգիշթե I-ի Արմավիրի ու Աղնավորթեփի արձանագրություններում: Ն. Վ. Հարությունյանի կարծիքով սա պաշտամունքային նշանակության կառույց է եղել: Կարմիր բլուրում այն կառուցվել է «սուս» տաճարի առջև ու տաճարական համալիրի շինություններից մեկն է եղել: Ծնթադրվում է, որ այստեղ են դրվել աստվածությունների արձանները²⁷:

Ե՛ւ ասիսե շինությունը հիշատակված է Մինուա արքայի երեք, Սարգուր II արքայի էրեքունեի և Արգիշթե I արքայի Արգիշթեփինեի արձանագրություններում: Մինուա արքայի արձանագրությունները փորագրված են խառըսխաքարերի վրա (երկուսը գտնվել են Վանում, մեկը՝ Վարազա վանքի տարածքում) և նույն բովանդակությունն ունեն՝ «Մինուա Իշպուիննորդին այս

Ե՛ւ ասիսե կառուցեց»²⁸: Այն հանգամանքը, որ «աշիխուսեի» կառուցման մասին պատմող արձանագրություններն այստեղ գրված են խառըսխաքարերի վրա, հիմք է տալիս ենթադրելու, որ այս շինությունը ունեցել է սյունասրահ:

²⁶ Ս. Գ. Բարխուդարյան. Հայաստանի կոթողային հուշարձանները.—ՀՄՍՀ ԳԱ «Տեղեկագիր» (հաս. գիտ.), 1960, № 7—8, էջ 53—80.

²⁷ НУНК, с. 24—26, 34.

²⁸ УКН, № 83, 84, 86.

Ֆ. Վ. Քյոնիգի կարծիքով «աշիխուսեն» եղել է տաճար, որտեղ զոհեր են մատուցվել աստվածություններին²⁹։ Այս առումով ուշագրավ է, որ Օշականի ուրարտական տաճարը կառուցված է եղել սյունասրահի ձևով։ Այնտեղ դրված են եղել կուռքեր, որոնց մատուցված զոհերի մնացորդները թաղվել են տաճարի հատակին փորված հորերում։ Հորերը ծածկվել են սալերով³⁰։

1983 թ. Արգիշթեխինելե քաղաքի արևմտյան ամրոցի հրապարակում գտնված արձանագրությունում հիշատակվում է, որ Արգիշթե I-ը «աշիխուսեն» տան տակ կառուցել է շտեմարան։ Այսպիսով, պիտի ենթադրել, որ «աշիխուսեն» մի շենք է եղել, կազմված հիմնականում սյունասրահից, որը Արգիշթե-խինելեում ունեցել է նաև ամբար։ Արգիշթեխինելեի արևմտյան ամրոցում, նորահայտ արձանագրության գտնված վայրին շատ մոտ, բակի հյուսիսային թևում, պեղված է սյունազարդ դահլիճից, մեծածավալ ցորենի պահեստից և նրան կից քառակույնի փոքր սենյակից բաղկացած մի շինություն, որի սյունազարդ ընդարձակ դահլիճի հատակը ամբարի հատակից բարձր է 3,5 մետրով։ Վերոհիշյալ դահլիճի ուրարտական շերտում հայտնաբերվել են պաշտամունքային կիրառության շքեղ անոթներ և ճրագների բեկորներ ու երկաթյա մեծ շքագամեր, որոնք վկայում են, որ այս շինությունը պաշտամունքային նշանակություն է ունեցել։ Բացառված չէ, որ արձանագրությունում խոսվում է հենց այս շենքի մասին³¹։

Հետ երևույթին ուրարտական «աշիխուսեն» տունն իր ունեցած կիրառական նշանակությամբ համապատասխանել է հեթիթական *Ḫšnapši* անվանված շինությանը, որը կրոնական նշանակության մի կառույց էր, ուր կատարվում էին Կոհանագրություններ աստվածներին³²։

Ուրարտացիներ տանը պաշտոն էր մատուցում հատուկ սրբազան անկյունում, որը գտնվում էր կենտրոնական սրահում։ Այնտեղ դրվում էր զոհասեղանը աստվածությունների արձաններով ու համապատասխան սպասքով³³։ Նման անկյուններ սարքավորվում էին նաև մառաններում³⁴։

Բունությունը։ Ուրարտական քրմության մասին եղած տեղեկությունները սակավաթիվ են։ Ստուգապես հայտնի է միայն, որ մ. թ. ա. VIII դարի վերջին բառորդին Մուծածիրի տաճարի քրմապետն է եղել Մուծածիրի արքա Ուրզտանան։ Ընթացիկում է, որ ուրարտական պետության պաշտամունքային կենտրոնը Մուծածիր քաղաքն էր, որի հալոյն աստծու տաճարի գլխավոր քուրմը եղել է նաև Ուրարտական պետության քրմապետը և որ այդ պաշտոնը իշպուհներ և Մինուա արքաների օրոք ժառանգել է Ուրարտուի արքայազներից ավագը³⁵։

Այս ենթադրությունը հիմնված է Սարգոն II արքայի հաղորդած այն տեղեկության վրա, թե Մուծածիրի հալոյնի տաճարում դրված է եղել Սարգուրե իշպուհնորդու արձանը։ Նույն արձանագրությունում ասվում է նաև, որ այդ արքան ձուլել է տվել մեկ ցուլի և մեկ կովի արձաններ, իրենց հորթի հետ միասին, այս նպատակի համար օգտագործելով հալոյն աստծու տաճարում պահ-

²⁹ F. W. König. Handbuch der chaldäischen Inschriften (HChI). Teil I—II, Graz, 1955—1957, S. 175.

³⁰ С. А. Есаян. Раскопки 1979 г. в Ошакане.—Гос. музей истории Армении, музей основания Еревана «Эребунни».—Научная сессия. Тезисы докладов, Ереван, 1981, с. 15—16.

³¹ Ռ. Մ. Քոռոսյան, Մ. Գ. Հմայական. 1983 թ. պեղումները Արգիշթեխինելեում և նորահայտ ուրարտական արձանագրությունը.—«Պատմա-բանասիրական հանգան», 1984, № 4, էջ 166—168.

³² А. Б. Аракелян. Термин *(Ḫ)šnapši* в хеттских клинописных текстах.—Историко-филологический журнал, 1975, № 3, с. 241.

³³ А. А. Мартиросян. Аргнштпхннл. Ереван, 1974, с. 112—117.

³⁴ Б. Б. Пиотровский. Кармир-блур II. Ереван, 1952, с. 21—27.

³⁵ Г. А. Мелникшвили. Древневосточные материалы по истории народов Закавказья. I, Нагри—Урарту. Тбилиси, 1954, с. 204, 237, 332.

վող պղինձը: Այն հանգամանքը, որ Սարգուրեն իր հայեցողությամբ օգտվել է տաճարի պղնձից և որ Սարգուրեն իշպուհնորդու՝ հալդեի տաճարում դրված արձանը պատկերել է նրան աղոթողի տեսքով³⁵, հիմք է տվել այն ենթադրությանը, թե Սարգուրեն եղել է Մուծածիրի հալդեի տաճարի գլխավոր քուրմը, իսկ որ Սարգուրեն իշպուհնորդին կրել է պապի՝ Սարգուրեն I-ի անունը առիթ է ծառայել ենթադրելու, թե նա իշպուհինն արքայի ավագ որդին է եղել³⁷: Սակայն դեռևս ն. Դ. Ադոնցը ցույց է տվել, որ Սարգոն II-ի արձանագրությունում առկա է թյուրիմացություն՝ դպիրը սխալվել և իշպուհինն Սարգուրեորդի գրելու փոխարեն արձանագրել է Սարգուրեն իշպուհնորդի³⁸:

Ն. Դ. Ադոնցի եզրակացությունը ավելի քան հավանական է, քանի որ Սարգոն II արքայի արձանագրությունում Սարգուրեն իշպուհնորդին անվանված է Ուրարտուի արքա³⁹, իսկ այդ անունով թագավոր Ուրարտուն չի ունեցել: Դացի այդ, իշպուհինն Սարգուրեորդու՝ Մինուայի հոր անունը հայտնի է բազմաթիվ ուրարտական, ինչպես նաև ասուրական արձանագրություններից, այն դեպքում, երբ Սարգուրեն իշպուհնորդու անունը վկայված է միայն վերոհիշյալ ասուրական արձանագրությունում: Այնուհետև՝ իշպուհինն արքան իր արձանագրություններում հաճախ հիշատակում է իր Մինուա որդու անունը, որի հետ նա համատեղ թագավորել է: Մի արձանագրությունում նա, իր Մինուա որդու անվան կողքին հիշատակում է թոռան՝ Մինուայի որդի Ինուշպուայի անունը՝ իր, որդու և թոռան համար հալդե աստծուց խնդրելով ձկանք (ողջություն) և մեծություն⁴⁰, իսկ իշպուհինն ունեցած լինելու այլ որդի, ապա նրա անունը պիտի հիշատակվեր գոնե այս՝ հալդեին ձեռնված արձանագրությունում: Եվ վերջապես, իշպուհինն արքան չէր կարող Սարգուրեն անունով որդի ունենալ հետևյալ պատճառով: Ինչպես ցույց են տվել Ի. Մ. Դյակոնովի դիտողությունները, Հին Արևելքում, ինչպես նաև Ուրարտուում, երեխաներին սովորաբար չէին տալիս դեռևս ողջ հարազատի անունը, հակառակ դեպքում կնշանակեր այդ հարազատի մահը ցանկանալ⁴¹: Ուրեմն պիտի ենթադրել, որ իշպուհինն արքայի ավագ որդին ծնվել է Սարգուրեն I-ի (Իշպուհիննի հոր) մահվանից և իր թագավորելուց հետո միայն: Սակայն իշպուհինն թագավորել է ընդամենը 10—15 տարի (մ. թ. ա. մոտ. 823—811 թթ.), որից հետո, ընդունված տեսակետի համաձայն, մ. թ. ա. մոտ. 810 թ. գահը ժառանգել է Մինուան: Հետևաբար երկու տղա մեծացնելու և կրտսեր որդու որդուն տեսնելու համար իշպուհինն մեռնում են հենց այդ 10—15 տարիները, որը այնքան էլ հավանական չէ: Հետևաբար ճիշտ է ն. Ադոնցի այն տեսակետը, թե Սարգուրեն իշպուհնորդի անունով արքայազն չի եղել:

Ինչպես ցույց են տվել վերջին տարիներին հայտնաբերված նյութերն ու կատարված ուսումնասիրությունները, Ինուշպուա Մինուաորդին նույնպես չէր կարող լինել Մուծածիրի տաճարի գլխավոր քուրմը, քանի որ նա հորից՝ Մինուա արքայից հետո կարճ ժամանակով ժառանգել է Ուրարտուի գահը: Հետևաբար, պիտի ենթադրել, որ իշպուհինն և Մինուա արքաների ավագ որդիները Մուծածիրի տաճարի քրմապետեր, կամ Մուծածիրի իշխաններ չեն եղել:

³⁵ И. М. Дьяконов. Ассиро-вавилонские источники по истории Урарту (АВНИУ).—ВДИ, 1951, № 2—4, № 49 (367).

³⁷ Г. А. Мелник в п. л. Указ. соч., с. 204.

³⁸ Ն. Ադոնց. Հայաստանի պատմություն. Երևան, 1972, էջ 194: Ն. Դ. Ադոնցի այս տեսակետը ընդունված է Հայ ժողովրդի պատմության ակադեմիական հրատարակությունում, ուր նշված է, սակայն, որ այս տեսակետը լրացուցիչ մեկնաբանության կարիք ունի (Հայ ժողովրդի պատմություն. հ. 1, Երևան, 1971, էջ 393, ծան. 2): Կ. Ֆ. Լեման-Հաупտ. Կարծիքով Սարգուրեն իշպուհնորդին դարձել է Մուծածիրի փոխարքա (К. Ф. Леман-Хаупт. Вступительная лекция по истории и культуре халдов.—Труды Тбилисского гос. университета, 1938, VI, с. 126).

³⁹ АВНИУ, № 49 (367).

⁴⁰ УДН, № 18.

⁴¹ И. М. Дьяконов. Урартские письма и документы. М.—Л., 1963 (УИД), с. 62.

Այս մասին է վկայում նաև այն հանգամանքը, որ Մուծածիրի խալդեոստաճարի քրմապետ Ուրգանյան Ուրարտուի արքայական ցեղից չէր. հակառակ դեպքում այդ մասին անպայման կհիշատակեր Սարգոն II-ը:

Սպասելի է, որ ուրարտական պետության քրմապետը լինի նա, ում անունից սահմանվում էին զոհաբերությունների և կատարվելիք արարողությունների կարգն ու ժամանակը. ըստ սկզբնաղբյուրների, նման կարգադրություններ արել է միայն արքան⁴²: Ավելին, իշպուինե և Մինուա արքաների համատեղ գահակալության տարիներին Աշոտակերտի դռան արձանագրությունում նման կարգադրություններ կատարում է հայրը՝ իշպուինե արքան, թեև արձանագրությունում հիշատակվում է նաև Մինուայի անունը⁴³:

Այսպիսով, պետք է ենթադրել, որ ճիշտ է եղել ավելի վաղ արտահայտված այն տեսակետը, թե ուրարտական պետության քրմապետն է եղել Ուրարտուի արքան և որ երկիրը կառավարվել է աստվածապետական ուժով⁴⁴:

Նախդե աստծու կարևորագույն պաշտամունքային կենտրոնը եղել է Մուծածիր (Արդինե) քաղաքը, սակայն այդ տաճարի քրմապետը չի եղել ուրարտական պետության գլխավոր քուրմը, իսկ Մուծածիրը չէր կարող լինել Ուրարտական պետության պաշտամունքային կենտրոնը, քանի որ այն, ըստ էության, մ. թ. ա. IX դարում, երբ կազմավորվում էր պետությունը, անկախ մի իշխանություն էր, որը մ. թ. ա. 828 թ. նվաճեց Սալմանասար III-ի Դայան-Աշուր զորավարը: իշպուինե և Մինուա արքաների համատեղ գահակալության տարիներին միայն Մուծածիրը դառնում է Ուրարտուից կախյալ մի իշխանություն՝ պահպանելով, սակայն, իր ինքնուրույնությունը (չի դառնում մի սովորական նահանգ Ուրարտուի կազմում): Իրենց այս դիրքը Մուծածիրի արքաները կարողանում են պահպանել ընդհուպ մինչև մ. թ. ա. 714 թ.. երբ Սարգոն II-ը նվաճում է Մուծածիրը և միացնում ասորեստանյան մարզերից մեկին:

Դժվար է պատկերացնել, թե պետության պաշտամունքային կենտրոնը եղել է մի քաղաք, որը չի գտնվել այդ երկրի կազմում. հետևաբար պիտի ենթադրել, որ Մուծածիրը եղել է թագավորական տոհմի համար կարևոր պաշտամունքային մի վայր. պետության պաշտամունքային կենտրոնը, սակայն, եղել է այլ տեղում, ամենայն հավանականությամբ, Տուշպա քաղաքում: Այդ մասին է վկայում այն հանգամանքը, որ համաուրարտական դիցաբանը ներկայացնող Մհերի դռան արձանագրությունը՝ համայն ուրարտական աստվածություններին ձոնված «դարպասները», որը ուրարտական պետության ամենակարևոր պաշտամունքային շինությունն էր, գտնվում էր Տուշպայում՝ Վանա ժայռի վրա:

Նկատի ունենալով ուրարտական տաճարների այն հոծ ու լայն ցանցի գոյությունը, որով պատված էր երկիրը և որը աճում էր երկրի սահմանների ընդլայնման զուգահեռ, պիտի ենթադրել, որ ուրարտական քրմությունը՝ այն տաճարների սպասարկողն ու համապետական կրոնի տարածողը, բավական հզոր մի ուժ էր: Ամենայն հավանականությամբ քրմության ներկայացուցիչներն էին, որ մասնագիտանում էին գիտության տարբեր բնագավառներում և տեղերում ղեկավարում գյուղատնտեսական աշխատանքներն ու ջրաբաշխության գործը, քանի որ վերջիններիս կատարման տարբեր փուլերը համապատասխանում էին ուրարտական եղանակային-երկրագործական ծիսական համակարգի համապատասխան փուլերի հետ և ուղեկցվում էին տոնակատարություններով ու զոհաբերություններով: Ուրարտական քրմությունը հոգուտ տաճարների զբաղվում էր առևտրով, ուներ տաճարային հողատարածություններ, մետաղագործական և այլ արհեստանոցներ, ուր, բացի այլևայլ իրերից, պատրաստում էին դեմքեր, որոնք համարվում էին սրբագործված ու գերբնական ուժով օժտված⁴⁵:

⁴² УХН, № 25, 27, 65, 275, 281, НУНХ, I.

⁴³ УХН, № 25, стр. 8—10.

⁴⁴ Տե՛ս և ն. Վանի թագավորությունը. Թիֆլիս, 1915, էջ 131:

⁴⁵ Г. А. Мелникшвилл. Напрн—Урарту, с. 333, 334, 355.

Ուրարտական քրմությունը ծանոթ էր և ուսումնասիրում էր հարևան ժողովուրդների հոգևոր կյանքը, քանի որ նրանք էին նվաճված ժողովուրդների պաշտամունքային պատկերացումները միահյուսում պետական կրոնին՝ ղեկավարվելով ևրկրի կրոնական քաղաքականության սկզբունքներով: Պիտի ենթադրել, թեևս, որ քրմության իրավասության ներքո էին նաև ուրարտական դպրոցները, և նրանք են ստեղծել ուրարտերեն սեպագիրը:

Մենք ենք: Ուրարտական ծիսական համակարգի մասին տվյալները սակավաթիվ են ու կցկտուր: Ուրարտական ծեսերի մասին որոշ տվյալներ կան արձանագրություններում, որոշ տվյալներ էլ կարելի է քաղել քննելով հնագիտական նյութը: Այդ իսկ պատճառով հնարավոր է միայն շատ ընդհանուր գծերով վերականգնել ուրարտական որոշ ծիսական արարողությունների ընթացքը:

Թագադրության ծեսը: Ուրարտացու պատկերացմամբ իշխանությունը աստվածային ծագում ուներ և տրվում էր հալդեի կողմից: Ուրարտուի արքաները հաճախ էին նշում, որ հալդեն է իրենց արքայություն տվել, ինչպես օրինակ. «...Իր հալդե աստվածն Արգիշթե Մինուաորդուն արքայություն տվեց, բազմեց նա իր հոր տեղը (գահին)»⁴⁶. «Սարգուրե Արգիշթորդին ասում է. երբ հալդե աստվածն ինձ արքայություն տվեց, ես բազմեցի հորս արքայական տեղը (գահին)»⁴⁷. «Հալդե աստծու մեծությամբ տիրական, Արգիշթե Ռուսաորդին, ծառան հալդե աստծու ասում է. հալդե աստծու զորությամբ տիրական..., որն ինձ հանձնեց () կարգադրությունները (օրենքները), որը ինձ տվեց թագավորություն հզոր, բազմեցի ես արքայական դահին... (հալդեն) հաստատեց ինձ (համար) ծառ արքայական...»⁴⁸: Այդ իսկ պատճառով Ուրարտուի արքաները թագադրվում էին հալդե աստծու պաշտամունքային կենտրոնում՝ Մուծաժիրում⁴⁹: Եթե Մուծաժիրը անկախ էր կամ ենթարկվում էր Ասորեստանին, այն նախ և առաջ նվաճվում էր (այդպես են վարվել Մինուա և Իշպուինն արքաները, երբ թագադրվում էր Մինուան, այդպես է վարվել նաև Ռուսա I-ը իր թագադրության նախօրյակին)⁵⁰:

Կալով Մուծաժիր⁵¹ զահաժառանգը կառուցում էր նոր տաճարներ⁵² (թերևս հալդե աստծուն ձոնված համալիրում) և նվերներ էր տալիս նորակառույց տաճարներին (մատուցվում էին տարբեր իրեր, լինի զենք, անոթներ, թե զարդ, ինչպես նաև մեծ թվով խոշոր և մանր եղջերավոր անասուններ, որոնց մի մասը նախատեսված էր զոհաբերության, իսկ մյուս մասը՝ վաճառքի համար)⁵³:

Այնուհետև տաճարում կատարվում էր թագադրությունը (հնարավոր է նաև արքայի աստվածացման արարողությունը). նրա գլխին էին դնում թագը և տալիս էին կրելու ուրարտական թագավորի գայիսոնը: Արարողությանը մասնակ-

46 УКН, № 128 АЗ, стрк. 17—19.

47 УКН, № 156 АII+AI, стрк. 25—31.

48 УКН, № 276, лнц. стор., стрк. 16—34.

49 АВНИУ, № 49, прим. 85.

50 Ուրարտական արքաների թագադրության մասին սկզբնաղբյուրները հիմնականում երեքն են՝ Մինուա և Իշպուինն արքաների Կելիշինի արձանագրությունը (УКН, № 19), Ռուսա I արքայի Բոփուզավայի արձանագրությունը (УКН, № 264) և Սարգոն II արքայի՝ մ. թ. ա. 714 թ. արշավանքը նկարագրող սեպագիրը (АВНИУ, № 49), որը շատ մանրամասներով համընկնում է Բոփուզավայի արձանագրության տվյալների հետ (տե՛ս Լ. Ն. Թիլյազով. Ուրարտական արքաների թագադրման արարողության մասին. — «Աշխատություններ» ՀԳՊԹ, հ. VІІ, Երևան, 1981, էջ 24—27):

51 Արամե, Սարգուրե I, Իշպուինն և Ռուսա I-ին հաջորդած արքաները, որոնք չէին կարող գրավել Մուծաժիրը, ամենայն հավանականությամբ թագադրվել են հալդեին ձոնված մի այլ տաճարում. հնարավոր է, որ Արամե և Սարգուրե I-ը թագադրվել են Արծաշքու քաղաքում, իսկ մյուսները՝ Տուշպայում:

52 УКН, № 19, урарт. текст, стрк. 1—7.

53 УКН, № 19, урарт. текст, стрк. 7—36.

ցում էր ժողովուրդը⁵⁴, բոլորը բարձրաձայն կանչում էին նոր արքայի անունը⁵⁵, հալդեի տաճարի քուրմը նրա առջև (ինչպես աստծու) և աստվածների առջև ղոհներ էր մատուցում⁵⁶։ Տաճարում դրվում էր նրա արձանը։ Նորընծա արքան կառուցում էր նոր տաճար, մատուցում զոհեր աստծուն ու (որպես արքա) կատարում էր իր անդրանիկ արշավանքը⁵⁷։ Արշավանքից ու արքայի անդրանիկ հաղթանակից հետո քաղաքով մեկ տոն էր հայտարարվում։ Երի ծախքերը հոգում էր արքան՝ դրանք դիտելով որպես զոհաբերություն հալդե աստծուն⁵⁸։

Արշավանքի հետ կապված ծեսեր։ Ամեն մի արշավանք ձևավում էր արսբ-բողոթյամբ՝ ձոնված Ուրարտուի աստվածություններին, որի ժամանակ արքան աղոթքով դիմում էր հալդեին, Թեյշեբային, Շիվինեին և մյուսներին, բարձրաձայն հայտարարելով արշավանքի ուղղությունն ու նպատակը, խնդրելով նրանց հովանավորությունը գործն իր նպատակին հասցնելու համար⁵⁹։ Այնուհետև հնչում էր ռազմակոչը՝ «հալդեն զորեղ է, հալդե աստծու զենքը զորեղ է»⁶⁰, և բանակը շարժվում էր առաջ։ Բանակի առջևից տանում էին դրոշը՝ որը ներկայացնում էր հալդեին⁶¹։ Արշավանքն ավարտվելուց հետո հաղթանակած բանակը վերադառնում էր Տուշպա։ Արքան բարձրաձայն, հալդեի տաճարում (նրան ձոնված կոթողի կամ որմնախորշի առջև) զենուցում էր կատարված արշավանքի արդյունքների մասին և հաղթանակը ձոնում հալդեին, արքայի խոս-

54 Թոփուզավայի արձանագրությունում Ռուսայի թագադրության բանական չի հիշատակվում Արդինեցիների ներկայության մասին, սակայն նրանց ներկայությունը կարելի է ենթադրել, որովհետև երբ Ռուսա արքան թագադրում է Ուրդանային, մատնանշում է, որ այդ արարողությունը կատարվել է ժողովրդի ներկայությամբ (տե՛ս ՄԿԽ, № 19, ԿԻՄ, տեքստ, սթր. 21)։

55 АВННУ, № 49 (309)։

56 ՄԿԽ, № 19, ԿԻՄ, տեքստ, սթր. 10—13։

57 ՄԿԽ, № 19, ԿԻՄ, տեքստ, սթր. 13—18։

58 Թեբեա այդպես կարելի է հասկանալ Թոփուզավայի արձանագրության հետևյալ հատվածը։ Կատարածս զոհաբերությունները լրիվ ես տվեցի Արդինե քաղաքին։ Արդինե քաղաքի բնակիչների համար ես տոն կազմակերպեցի» (տե՛ս ՄԿԽ, № 19, ԿԻՄ, տեքստ, սթր. 22—23)։

59 Տե՛ս, օրինակ, Արդիշթի I-ի տարեգրությունում։ Մաղթքով դիմեցի ես հալդե աստծուն, յիրոջը, Թեյշեբա աստծուն, Շիվինե աստծուն, բոլոր աստվածներին Բխիսեյի (նրա համար) ինչ ուզում էի (անել) տիրական մեծությամբ։ Լսեցին (խնդրեց) աստվածները» (տե՛ս ՄԿԽ, № 127, II, սթր. 8—10, I, սթր. 3—4, II, սթր. 38—40, III, սթր. 2—3, 26—28, 50—52, VI, սթր. 2—4; № 128, AI, սթր. 23—27 և այլուր)։

60 Տե՛ս, օրինակ, ՄԿԽ, № 20, առ. սթր. 22—23, ԵԲ. սթր. սթր. 7—8; № 22, սթր. 7—8; № 23, սթր. 2; № 24, սթր. 37—38; № 28, ԵԲ. սթր. սթր. 2; № 30, սթր. 4—5; № 36, սթր. 3—4։ Արդիշթի I արքայի տարեգրությունում այս ռազմակոչը երբեմն անմիջապես հաջորդում է աղոթքի բանաձևին (տե՛ս, օրինակ, ՄԿԽ, № 127, III, սթր. 4, 29, 54)։

61 Հ. Ա. Մարտիրոսյանի կարծիքով, նոր Արեշի կոլումբարիում բաժանված զոտիներից մեկի վրա պատկերված է արքայական զնդի հանդիսավոր երթը։ Համաձայն այդ տվյալների՝ առջևից զնացել են նետաձիգները, այնուհետև նիզակավորները, ապա՝ հեծելազորը, Գոտու վրա չի պահպանված, սակայն զնդի առջևից, ամենայն հավանականությամբ, ընթացել է արքայի ռազմականոր (Հ. Ա. Мартirosян. Армения в эпоху бронзы и раннего железа. Ереван, 1964, с. 249)։ Հստ երևույթին, հենց այս ռազմականոր վրա է ամրացված եղել դրոշը։ Այս դրոշի գոյության մասին է վկայում ժողովրդի աստվածն առաջնորդում էր» դարձվածը, որը արձանագրություններում երբեմն հաջորդում է աղոթքի բանաձևին կամ ռազմակոչին (տե՛ս, օրինակ, ՄԿԽ, № 127, I, սթր. 20, II, սթր. 12, 29; № 128, BI, սթր. 32, A2, սթր. 9), երբեմն նաև՝ սովորաբար արշավանքի նկարագրությանը նախորդող «հալդե աստվածը ելավ (արշավանքի) իր զենքով (զենքում)» դարձվածքին (տե՛ս, օրինակ, ՄԿԽ, № 20, սթր. 16—17; № 30, սթր. 1; № 36, սթր. 1; № 131, սթր. 1; № 127, I, սթր. 17; № 155, սթր. 1; № 161, սթր. 1 և այլն)։

բր արձանագրվում էր քարի վրա⁶²։ Հնարավոր է, որ այնուհետև կատարվել են զբնակչության թվաքանակի և տեղի հայտարարվել։

Թաղման ծեսը։ Ուրարտական թաղման ծեսի մասին գրավոր աղբյուրներում որևէ տվյալ չկա։ Պետք է ենթադրել, որ թաղման ծեսը համապատասխանել է մահվան մասին ուրարտացիների ունեցած պատկերացմանը, ըստ որի մարդու մահվանից հետո շարունակում է գոյատևել նրա հոգին, որը տեղափոխվում է այս աշխարհից մյուսը։ Այդ մասին է վկայում «Հոգիներ տեղափոխող աստծու» պաշտամունքի գոյությունը Ուրարտուում⁶³։ Այս առումով ուշագրավ է, որ ուրարտական կոլումբարիներում պեղված դիանոթների վրա, կավանոթի ուսին լինում են անցքեր։ Այս հանգամանքը հիմք է տվել Բ. Ա. Կուֆտինին և Լյուդմիլան, որ ուրարտացիների պատկերացմամբ հոգին անմիջապես չի թրում հանգուցյալին (նույնիսկ դիակի մոխրանալուց հետո) և կարիք ունի հաղորդակցվելու արտաքին աշխարհի և, մասնավորապես, դամբարանում դրված իրերի հետ⁶⁴։

Ուրարտուում կանոնիկ էր համարվում, թերևս, ժայռափոր դամբարաններում մահացածին թաղելու սովորույթը, քանի որ, ինչպես ենթադրվում է, նրանք դամբարաններում (որոնք կազմված էին լինում մի քանի սրահներից) են դրվել արքաների ու ազնվականների աճյունները⁶⁵, իրենց հագուստով, զենքով, զարդերով ու կատարված զոհաբերություններով։

Ժայռափոր դամբարաններ են վանի ժայռում փորված կառույցներ⁶⁶։ Հ. Ա. Մարտիրոսյանի կարծիքով, նման ժայռափոր դամբարաններ կարող են եղած լինել Արգիշթիսի և Բաղաթի բազմաթիվ անձանցի ու Թեյշեբաինի զինաց, Հրազդանի կիրճում եղած որոշ այրեր։ Նման անձավ-դամբարաններ են հայտնի նաև Բոստանկայա, Կայալիդերե ուրարտական հնավայրերում⁶⁷։ 1979 թ. ուրարտական մի ժայռափոր դամբարան (բավականին հարուստ դամբարանություն) բացվեց Սեանա լճի մոտ, Սարուխան գյուղում։

Կանոնիկ թաղումներ պիտի համարել նաև Արշակունի հայ արքաների նստավայր Ճմին (Չրմես) քաղաքի տարածքից 4 կմ հարավ, Երզնկայի դաշտի վրա իշխող, այժմ Ալթինթեփե անվանված բլրի վրա հիմնված ուրարտական քաղաքում 1938 թ. պատահաբար բացված 3 դամբարանները։ Սրանք ունեցել են դրոմոս, պատերին՝ որմնախորշեր։ Ենթադրվում է, որ երկհարկ են եղել։ Մածկվել են սալաքարերով, որոնց վրա լցված հողի հաստ շերտը ծածկվել է կավով և այդ պատճառով աննշարելի են աչքի համար։ Ճմինի դամբարաններում դրված է եղել հարուստ դամբարանություն։ Գտնվել են զարդեր, բրնձեր ու երկաթե զենքեր, կահույք և այլն։ Ենթադրվում է, որ դրանք ուրարտական ազնվականների և բարձրաստիճանի պաշտոնյաների ու մեծահարուստների գերեզմաններ են։ Ճմինի դամբարաններից մեկում (բաղկացած 3 սրահներից), ուղիղ անկյան տակ դրված են եղել երկու սարկոֆագ։ Այստեղ գտնվել են նաև դիանոթներ, այսինքն՝ ակնառու է, որ դամբարանում թաղումներ են կատարվել երկու տարբեր ծեսերով՝ դիաթաղում և դիակիզում⁶⁸։ Այս երևույթը դիտվել է

⁶² Այս մասին է վկայում արձանագրություններում (տարեգրություններում նախորդ տարվա ընթացքում կատարված իրադարձությունները նկարագրող հատվածն ավարտող «նալգե տստծու համար այս մեծագործությունները մեկ տարում կատարեցի» արտահայտությունը (ՄԿՈ, № 127, I, стр. 17, II, стр. 24, 50, III, стр. 17, 45; № 155, G, стр. 18, B, стр. 52—55)։

⁶³ Б. А. Куфтин. Урартский «колумбарий» у подошвы Арарата и куро-аракский «неолит». — Вестник музея Грузии, вып. XIII-B, Тбилиси, 1944, с. 69—70.

⁶⁴ Б. Б. Пиотровский. Ванское царство, с. 216—218.

⁶⁵ Նույն տեղում։

⁶⁶ А. А. Мартиросян. Аргинтихний, с. 53.

⁶⁷ B. Ögün. Die urartäischen Bestattungsbräuche. — Studien zur Religion und Kultur Kleinasien. Festschrift für Friedrich Karl Dörner zum 65. Geburtstag am 28. Februar, 1976, herausgegeben von S. Şahin, E. Schwertheim, J. Wagner. Zweiter Band, 1978, S. 675—676.

նաև Պատնոցից 20 կմ հեռու գտնվող Դեգելիի դամբարանադաշտի ժայռափոր դամբարաններից մեկում և վանա լճի հյուսիսային ափին գտնվող Լիճի դամբարանադաշտի դամբանախցերից մեկում⁶⁸։ Իգդիրի կոլումբարիում, դիակիզ-մամբ կատարված թաղումների կողքին, պեղվել է դամբարան՝ մոր ու երկու երեխաների դիակազմամբ։ Բ. Ա. Կուֆտինի կարծիքով սա տեղացի մի կնոջ և նրա երեխաների գերեզմանն է, այդ կինը ամուսնացած է եղել եկվորի հետ և մահվանից հետո նրան ու երեխաներին թաղել են իր ժողովրդի սովորույթով⁶⁹։ Այս հանգամանքը վկայում է, որ դիակիզման ծեսը մ. թ. ա. VII—VII դդ. խորք է եղել տեղացիների համար։

Արգիշթեխինելում, քաղաքի արևմտյան թաղամասի շինությունների տակ, պեղվել են մի շարք կարասային թաղումներ ու թաղումներ կճուճներում, որոնցում սովորաբար լցված են լինում հանգուցյալի այրված կամ մասնատված դիակի մնացորդները։ Ինչպես ցույց է տվել Իգդիրի կոլումբարիի ուսումնասիրությունը, հանգուցյալին սովորաբար այրել են իր հագուստով ու զարդերով։ Արգիշթեխինելի գերեզմաններն ունեն աղքատիկ դամբանայնությամբ և ինչպես ենթադրվում է, պատկանել են քաղաքը կառուցող մշակներին, որոնք, ըստ Հ. Ա. Մարտիրոսյանի, եղել են գերիներ և ստրուկներ (բիսյանացիներ կամ ուազացիներ չեն) և, ամենայն հավանականությամբ, վերաբնակեցվել են այստեղ Արգիշթե I-ի կողմից «Խաթե» և «Մուպա» երկրներից։ Արգիշթեխինելի այս դամբարանադաշտը գործել է Արգիշթե I-ի թագավորության տարիներին, այնուհետև նրա վրա հիմնվել է քաղաքի մի նոր թաղամաս⁷⁰։ Այստեղ դիտվող դիակիզման ծեսը փորձել բացատրել այն հանգամանքով, թե այդպես թաղվել են հասարակության ստորին խավի ներկայացուցիչները, թեև, չի կարելի, քանի որ դիակիզումն ինքնին բավական մեծ ծախս պահանջող արարողություն էր և, բացի այդ, Իգդիրի, Նոր Արեշի, Երևանի կոլումբարիներում հայտնաբերվել է ուրարտական ժամանակաշրջանի բավական հարուստ դամբանա-նյութ⁷¹։ Հետևաբար, այսպիսի դամբարաններ կարող էին ունենալ հասարակական բարձր դիրք ունեցող անձինք, որոնք, սակայն, բիսյանացիներ չէին։ Արե-վելյան Հայաստանի գրաված տարածքում ուրարտական ժամանակաշրջանում հարատևած թաղման տեղական (դիակազմում), ավանդական ձևերի գոյության մասին են վկայում 1951 թ. Թալինի շրջանի Հակկո գյուղում բացված քարակղզային, ուրարտական բնորոշ նյութ պարունակող⁷², ինչպես նաև 1983—1984 թթ. Սևանա լճի մոտ, Սարուխան գյուղում պեղված համանման դամբարաններ⁷³։ Ուրարտական նյութ պարունակող մի քարակղզ է պեղել Հ. Հ. Մնացականյանը Կարճաղբյուրի դամբարանադաշտում։ Մի այլ քարակղզ հետադոտել է Գ. Թու-մանյանը Գուսանագյուղում։ Մի շարք քարակղզային ու սալարկղային, տե-ղական հարուստ և ուրարտական դամբանայնությամբ գերեզմաններ են պեղվել

⁶⁸ Այս, ինչպես և Արևմտյան Հայաստանում պեղված կամ նկարագրված ուրարտական դամբարանների ու դամբարանադաշտերի մասին հանգամանալից տե՛ս նույն տեղում, էջ 639—678, ազ. СLI—CLXV.

⁶⁹ Б. А. Куфтин. Указ. соч., с. 72.

⁷⁰ А. А. Мартиросян. Аргистхинини, с. 53.

⁷¹ Б. А. Куфтин. Указ. соч.; Հ. Մարտիրոսյան, Հ. Մնացականյան. Նոր Արեշի ուրարտական կոլումբարին.—ՀՍՍՌ ԳԱ «Տեղեկագիր» (հաս. դիտ.), 1958, № 10, էջ 63—71։ Մալաթում դիանոթները իջեցված են ժայռերի ճեղքերում սարքված դամբարանները, նրանում դիանոթները դրված էին բնակարանի ձևով հարդարված դամբանախցում (Ս. Ա. Նուսյան, Լ. Ն. Բիյագով, Ա. Գ. Կանեգյան, Ս. Գ. Հմայակյան. Նորահայտ ուրարտական դամբարանը Երևանում.—Հայկական ՍՍՀ-ում 1983—1984 թթ. դաշտային հնագիտական աշխատանքների արդյունքներին նվիրված գիտական նստաշրջան (գեկուցման թեզիսներ), Երևան, 1985 (ԴՀԱ), էջ 28—29)։

⁷² Б. Б. Пиотровский. Кармир-блур. II, с. 47.

⁷³ Ա. Ս. Փիլիպոսյան. Պեղումներ Կամուլի շրջանի Սարուխան գյուղում.—ԳՀԱ, էջ 23.

Մշականում: Վերջիններս, ինչպես ենթադրվում է, տեղական վերնախավի ներկայացուցիչներին են պատկանել, որոնք եղել են ուրարտական ծառայության մեջ⁷⁴:

Այս առումով առանձնապես ուշագրավ է Մեծամորում բացված քարակղզային, բնորոշ ու հարուստ ուրարտական նյութ պարունակող դամբարանը (թվագրվում է մ. թ. ա. VIII դարով), է. Վ. Խանգադյանի կարծիքով, այստեղ ակսաուու է մարդկային զոհաբերություններ կատարելու հանգամանքը, քանի որ հիմնական թաղման ամբողջական կմախքի հետ բացվել է մարդու երեք զանգ⁷⁵: Հետաքրքիր է, որ ուրարտական կնիքներից մեկի վրա պատկերված է դուռարան և գլխատված ու մաշկազերծ մարդու դիակ⁷⁶: Թուփրաքկալեի պեղումների ժամանակ, հնավայրի հատվածներից մեկում գտնվել են մեծ քանակությամբ մարդկանց ու կենդանիների ոսկորներ, որոնց թվում մարդկային դանդեր շեն գտնվել են ենթադրվում է, որ այստեղ դրված են եղել խալդեին զոհարկրված մարդկանց դիակները, որոնց գլուխները պահվել են այլ վայրում⁷⁷:

Հիշատակված այս երեք փաստերը մարդու զոհաբերության ծիսակարգի տարրեր փուլերն են ներկայացնում ու հնարավորություն են տալիս, ճիշտ է, շատ ընդհանուր ձևով, վերականգնելու այդ արարողությունների ընթացքը. 1) զոհը գլխատվում էր ու մաշկազերծվում, 2) գլխատված ու մաշկազերծ դիակը դրվում էր զոհարանին, 3) զոհի գլուխը դրվում էր դամբարանում, հանգուցյալի մոտ, 4) զոհի դիակը վերցվում էր զոհարանից և գրվում զոհերի համար նախատեսված վայրում:

Ուրարտուում մարդկային զոհաբերությունների մասին տվյալները սահմանափակվում են վերոհիշյալներով: Գրավոր աղբյուրներում այս ծեսի մասին տեղեկություններ չկան և դա այն դեպքում, երբ կան բազմաթիվ արձանագրություններ, որոնցում խոսվում է մահապատիմների, ավերածությունների, գերեվարության ու միաժամանակ նաև աստվածություններին կենդանիների զոհարկրության մասին⁷⁸: Ուրարտուում կատարվող մարդկային զոհաբերությունների վերաբերյալ տվյալների առկայությունը հնագիտական նյութերում և այս մասին տեղեկությունների իսպառ բացակայությունն արձանագրություններում կարելի է բացատրել, թերևս, այդ զոհաբերությունը կատարելու սովորույթի առկայությամբ երկրում, որը, սակայն, մերժված էր պաշտոնական կրոնի կողմից:

Այսպիսով, Ուրարտուում հայտնի էր թաղման երեք հիմնական ծես. ա) դիաթաղում, բ) դիակիզում, գ) դիամասնատում:

Դիաթաղման ծեսը դիտվում է ութ տարբերակներով. 1) թաղում ձեռակերտանձավներում. դիակը երբեմն դրված է լինում սարկոֆագի մեջ [Վան, Սարուխան, Բոստանկայա (՝), Կայալիդերև (՝), Լիճ, Մազդերդ, Հրազդանի

74 С. А. Еса ян. Находки урартских изделий в Ошаканском могильнике.— ДВМЖ, с. 94—97.

75 է. Վ. Խանգադյան, Կ. Հ. Մկրտչյան, է. Ս. Պարսամյան. Մեծամոր. Երևան, 1973, էջ 175—176, 181, 185:

76 Б. Б. Пиотровский. Ванское царство, с. 230.

77 Նույն տեղում, էջ 223:

78 Աստվածներին, բացի խոշոր ու մանր եղջերավոր տնասուններից, զոհաբերում էին գինի է հաց. Սարգոն I-ի արձանագրությունում հիշատակվում է մի խոշոր պղնձե կաթսայի մասին, որը «Ուրարտուի արքաները լցնում էին զոհաբերվելիք գինիով» [АВИИУ, № 49 (367)]: Հետ երևույթին, նույն նպատակին է ծառայել նաև Կարմիր բլուրում գտնված, մոտ 1500 լիտր տարողությամբ բրոնզե կաթսան (Ս. Ա. Եսայան. Կարմիր բլուր. Երևան, 1982, էջ 45): Սերբարթիի թիթեղներից մեկի վրա ներկայացված է խալդեյ, որի առջև եռոտանու վրա դրված են նավակաձև հացեր (աե'ա H.-J. Kellner. Bronzene Weihe-und Votivgaben. Urartu, ein wiederentdeckter rivale Assyriens. Katalog der Ausstellung, München, 1976, S. 52, Abb. 52.

կիրճ (°), Արգիշթեխինեյե (°), Դեդեիլի, Արծկեյ: 2) Մեկ կամ մի քանի բաժանմունքներից կազմված դամբարաններում՝ փորված գետնի մեջ և կառուցված քարից. ունեն դրոմոս. դիակը դրվել է սարկոֆագի մեջ (Ճմին): 3) Ժայռի ճեղքվածքի մեջ (Իգդիր): 4) Սալարկղային դամբարանում (Մեծամոր, Հակկո, Շշական, Արգիշթեխինեյե): 5) Մեծ, քարակղային դամբարանախցում (Կարճաղբուր, Օշական): 6) Քարարկղ հիշեցնող դամբարանախցում, կառուցված չթծված աղյուսներից (Արգիշթեխինեյե)⁷⁹: 7) Հիմնահողային թաղում (Լիճ): 8) Կարասային թաղում (Արգիշթեխինեյե):

Դիակիզման ծեսը հայտնի է հինգ տարբերակներով. 1) դիանոթը թաղված է ժայռի ճեղքվածքում (Իգդիր): 2) Դիանոթը թաղված է հողի մեջ (նոր Արեշ, Արգիշթեխինեյե): 3) Դիանոթը դրված է դրոմոս ունեցող մեկ կամ մի քանի բաժանմունքներից կազմված դամբարանախցում (Չրմես, Երևան, Լիճ, Արծկեյ, Դեդեիլի): 4) Դիանոթը դրված է ձեռակերտ անձավում (Արծկեյ, Ալիշար): 5) Դիանոթը թաղված է սալարկղային դամբարանում (Լիճ):

Դիամասնատման ծեսը հայտնի է երեք տարբերակներով. 1) դիանոթը դրված է քարե դագաղի մեջ (Արգիշթեխինեյե)⁸⁰: 2) Դիանոթը դրված է սալարկղային դամբարանում (Արգիշթեխինեյե): 3) Դիանոթը թաղված է հողում (Արգիշթեխինեյե):

Այս ժամանակաշրջանում բիսանական վերնախավի համար բնորոշ էին. Թերևս, թաղման առաջին և երկրորդ ձևերը (դիաթաղում անձավներում և կամ խնամքով կառուցված մեկ կամ մի քանի բաժանմունքներից կազմված, դրոմոս ունեցող դամբարաններում): Արևմուտքից եկած բնակչության, մասնավորապես արևելյան մուշքերի համար բնորոշ էր, Թերևս, դիակիզումը, քանի որ Արարատյան դաշտում և Զիուկունե երկրում (Վանա լճի հյուսիսային ափ), վայրեր, որտեղ հայտնաբերված են դիակիզում պարունակող գրեթե բոլոր հիշատակված դամբարանները, մ. թ. ա. VIII—VII դդ. առաջին կեսից կային արևելյան մուշքեր, ինչպես նաև «խաթե» երկրից եկած հոծ բնակչություն⁸¹: Դիամասնատմամբ թաղումներ հայտնի են միայն Արարատյան դաշտում: Այս դամբարանները կարող էին պատկանել ինչպես տեղական մի ցեղի (նման թաղումներ հայտնի են Արարատյան դաշտում և վաղ երկաթի դարում), այնպես էլ Արգիշթե I-ի կողմից արևելքից բերված բնակչության ներկայացուցիչներին: Քարակղային և սալարկղային դիաթաղմամբ դամբարանները, որոնք ավանդական թաղման ձև են եղել Արարատյան դաշտում և շրջակայքում, անկասկած պատկանել են տեղաբնիկներին:

Թաղման ծեսի և ձևերի այս բազմազանությունը վկայում է, որ Ուշարտումում ապրող ժողովուրդները, շնայած պետական կրոնի առկայությանը երկրում, պահպանում էին իրենց հատուկ պատկերացումները հանդերձյալ կյանքի մասին: Հանգամանք, որ իր զուգահեռն է գտնում Մհերի դռան արձանագրու-

⁷⁹ Այս դամբարանը պեղել և ուսումնասիրել են Հ. Ա. Մարտիրոսյանն ու Ռ. Մ. Թորոսյանը:

⁸⁰ Այս դամբարանը պեղել և ուսումնասիրել են Հ. Ա. Մարտիրոսյանն ու Ռ. Մ. Թորոսյանը. նյութերը հանձնված են հրատարակության:

⁸¹ Արարատյան դաշտում բնակեցված էր «խաթեից» և «Մուպայից» բերված բնակչություն, մ. թ. ա. VIII դ. սկսած, իսկ Վանա լճից հյուսիս ընկած տարածքում (ուրարտ. Զիուկունե երկիրը), որտեղ գտնվում են Արծկեյի, Դեդեիլիի և Լիճի դամբարանադաշտերը, մ. թ. ա. VII դ. II քառորդից սկսած արդեն ապրում էին արևելյան մուշքեր և «խաթեցիներ» (տե՛ս ՄԿՄ, № 278 և ծան. 3, 4): Որ արևելյան մուշքերին բնորոշ էր դիակիզման ծեսը, անուղղակի կերպով վկայում է հետևյալ տեղագամանքը. մ. թ. ա. մոտ 1000 թ. Կարբեմիշում, ինչ-որ կատակիդից հետո ավանդական դիաթաղման ծեսի փոխարեն տարածում է ստանում դիակիզումը (Б. А. К у ф-т и и. Указ. соч., с. 71): Կարբեմիշը մ. թ. ա. XI դարի վերջում—X դարի սկզբին նվաճվել է արևելյան մուշքերի կողմից (И. М. Дьяконов. Предыстория армянского народа, с. 215, прим. 63, с. 228): Հնարավոր է, որ թաղման ծեսի վերահիշյալ փոփոխությունը կապված է հենց այս ներխուժման հետ:

թյունում, ուր հիշատակված են նաև թիայնական ծագում չունեցող բազմաթիվ փրցանուններ:

Իրկրագործական-եղանակային ծեսեր: Այս ծեսերի կարգի ու ժամանակի մասին տվյալներ կան Մհերի դռան արձանագրությունում, որի վերջում ասվում է. «Իշպուհին Սարգուրորդին (և) Մինուա Իշպուհինորդին ապարանք (°) նոր հիմնեցին, հաստատեցին կարգ. երբ ծառերը (ճյուղերը խաղողենու) էտվեն⁸² (°) հալդե աստծուն 3 խոյ⁸³ թող զոհաբերվի, 3 խոյ՝ աստվածներին յուրը. երբ խաղողուտը կառուցվի (°) [խշմարվի (°)]⁸⁴ 3 խոյ հալդե աստծուն թող զոհաբերվի, 3 խոյ՝ աստվածներին բուրը. երբ խաղողուտը [խաղողուտի բերքը (°)] հավաքվի⁸⁵, հալդե աստծուն 3 խոյ թող զոհաբերվի, 3 խոյ աստվածներին բուրը»: Այստեղ հիշատակված են տարվա ընթացքում կատարվելիք երեք տոնակատարություններ՝ կապված այգեգործական աշխատանքների համապատասխան փուլերի հետ: Առաջին տոնը կարգադրվում է «անցկացնել խաղողուտի էտից հետո: Խաղողի որթի էտը Հայաստանում սկսվում է մարտ ամսի վերջին տասնօրյակում և ավարտվում ապրիլի առաջին կեսում: Այս ժամանակ Հայաստանում նշվում էր բարեկենդանի տոնը (տոնվում էր մարտ ամսին և տևում 1—2 շաբաթ), կապված նոր տարվա գալստյան հետ⁸⁶:

Ամենայն հավանականությամբ Մհերի դռան արձանագրությունը հիմնադրվել է այս տոնի կապակցությամբ. տոն, որն ըստ այդ արձանագրության տվյալների կատարվել է «արևի (Շիվինեի) ամսին» (DUTU ITU) և այդ ժամանակ է կարգադրվում զոհեր մատուցել Ուրարտուի բուր աստվածություններին ու «սրբություններին»: Ֆ. Վ. Քյունիգի կարծիքով, ուրարտական

⁸² «էտվեն» ւլ aldine gudule (ՄԿԽ, № 27, ԵՊԿ. 29, 90): Այստեղ խոսքը թերևս այգեգործական աշխատանքի որոշակի փուլի մասին է, որի ավարտից հետո պիտի արվեն զոհաբերությունները: Այս առումով առաջին, կարևոր գործը, որ արվում էր, խաղողի այգու էտն էր: Քանի որ այժմ հաստատապես հայտնի չէ ո՛չ aldine և ո՛չ էլ gudule բառերի նշանակությունը, այլ հայտնի է միայն ւլ ժխտական մասնիկի իմաստը, ապա այս հասկացությունը թերևս կարելի է թարգմանել «անպետքը» (ավելորդը)՝ ոչնչացվի (°)» ձևով, իսկ ամբողջ դարձվածքը՝ «երբ ծառերը էտվեն (°)» կամ «երբ ավելորդ (°) ճյուղերը (°) կտրվեն (°)» ձևով:

⁸³ «խոյ» UDU (ՄԿԽ, № 27, ԵՊԿ. 31), այստեղ և այլուր, Մհերի դռան արձանագրության քննությանը անդրադարձած ուսումնասիրողների մոտ՝ «ոչխար»: Այժմ ընդունված կարծիք է, որ Ուրարտուում աստվածներին զոհաբերել են ցուլեր, իսկ աստվածուհիներին՝ կովեր (Г. А. Меллишвили и Н. Н. Нахри-Урарту, с. 370): Սակայն պետք է ենթադրել, որ Ուրարտուում աստվածներին ընդհանրապես զոհաբերել են որձ կենդանիներ, իսկ աստվածուհիներին՝ էգ, ինչույն, օրինակ, նախաքրիստոնեական Հայաստանում էր (Ղևոնդ Ալիշան. Հին հատար կամ հեթանոսական կրօնը հայոց. Վենետիկ—Սուրբ Ղազար, 1895, էջ 455) և հեթանոսական աշխարհում: Այսինքն, Մհերի դռան և պաշտամունքային բնույթի այլ արձանագրություններում UD(ի) «մարտ էգերաժողոր անասուն» — «ոչխար» գաղափարագիրը, եթե խոսքը աստվածներին զոհ մատուցելու մասին է, պետք է թարգմանել «խոյ» ձևով, իսկ երբ դիցուհիներին զոհ մատուցելու մասին՝ «ոչխար» ձևով:

⁸⁴ «կառուցվի» (°), «խշմարվի» (°) tanule (ՄԿԽ, № 27, ԵՊԿ. 30). tanule բառի հիմքը թերևս tan- «կառուցել» բառն է (տե՛ս ՄՊԸ. с. 91): Այս դեպքում tanule հասկացությունը կարելի է թարգմանել «կառուցվի» ձևով: Մայիս ամսին խաղողի վաղերը խշմարվում էին՝ ճյուղերը բարձրացվում էին հենակների վրա, և խշմարված խաղողուտն իսկապես նմանվում էր «կառուցված այգու»:

⁸⁵ «հավաքվի» mesute (ՄԿԽ, № 27, с. 30). բառը կազմված է meš- «հավաքել» հիմքից (ն. Գ. Աղաբեկյան. Նշվ. աշխ., էջ 236, ծան. 1, ՄՊԸ. с. 89): Հետևաբար պիտի ենթադրել, որ այստեղ խոսքը բերքահավաքի և բերքահավաքի հետ կապված արարողությունների մասին է լինում: Ֆ. Վ. Քյունիգի թարգմանությունը (HChI, № 9, S. 56):

⁸⁶ Ա. Ա. Օղաբաշյան. Ամանորը հայ ժողովրդական տոնացույցում. — «Հայ ազգագրություն և բանահյուսություն», № 9, Երևան, 1978, էջ 9, 24—26:

«արևի ամիսը» համապատասխանել է մարտին: Այս առումով ուշագրավ է, որ հայոց տոմարում մարտ ամիսը ձևավորված էր արևին և կոչվում էր արեգ (Շարեի ամիսն ու արեգ ամիսը առաջին անգամ համադրել է Հ. Հ. Կարազյոզյանը): Այժմ արդեն ընդունված կարծիք է, որ ամանորյա տոնը հին Հայաստանում նշվել է արեգ (մարտ) ամսին, գարնանային օրահավասարին⁸⁷: Ամենայն հավանականությամբ այդպես է եղել նաև Ուրարտուում⁸⁸. ուր տարվա առաջին՝ «Շիվինեի ամսին» կատարվող տոնը նշել է նոր տարվա ու տնտեսական տարվա սկիզբն ու բնության զարթոնքը:

Արժանահիշատակ է, որ Մհերի դռան արձանագրությունում կարգադրված է խաղե աստծուն Արեի ամսին զոհաբերել և 6 ուլ՝ VI UDU MAS-

TUR^D Haldie nipsidi'aale⁸⁹: Ուրարտական արձանագրություններում կենդանիների զոհաբերությունների մասին խոսելիս սովորաբար օգտագործվում է urpu— «զոհաբերել» բայը. և միայն այն դեպքում, երբ խոսքը ուլերի զոհաբերության մասին է՝ nipsidu բայը: Գ. Ա. Մելիքիշվիլին այն թարգմանում է «մորթել», Հ. Հ. Կարազյոզյանը՝ «ողջակիզել», Ֆ. Վ. Քյոնիգը՝ «պատառտել» ձևով: Մատուցվող կենդանիների զոհաբերելու այս ձևի մասին կարելի է վերջնական եզրակացության հանգել՝ քննելով Կարմիր բլուրի պեղումներից հայտնի որոշ տվյալներ. Կարմիր բլուրի № 26 սենյակը, որը կից էր № 25՝ զոհասեղանով սրահին, լցված է եղել մեծ քանակությամբ, ընդամենը մի քանի օրական զոհաբերված խոշոր ու մանր եղջերավոր կենդանիների այրված ոսկորներով. ընդ որում բացակայել են գանգի և վերջավորությունների այն ոսկորները, որոնք կենդանուն մաշկազերծելուց հետո մնում են մորթու վրա⁹⁰: Այսինքն՝ Մհերի դռան արձանագրության հիշատակված «ատվածում խոսքը նորածին կենդանուն մաշկազերծ անելու և հետո միայն այրելու մասին է: Հայտնի է, որ այժերը ծնում են փետրվար-մարտ ամիսներին, հետևաբար նորածին ուլեր կարող էին զոհաբերվել միայն փետրվարի վերջ—մարտ ժամանակամիջոցին, այսինքն՝ «արևի ամիսը» իսկապես համապատասխանել է մարտին: Հանգամանք, որ ինքնին վկայում է այն մասին, որ Մհերի դռան արձանագրությունը փորագրվել է IX դարի վերջին տասնամյակի տարիներից մեկում (Իշպուինե և Մինուա արքաների համատեղ գահակալության ժամանակ), մարտ ամսին, գարնանամուտի և տարեմուտի տոնի կապակցությամբ:

Մհերի դռան արձանագրությունում հիշատակված հաջորդ առանձին համապատասխանել է խաղողի այգու մշակման երկրորդ փուլի՝ խաղողուտի խըշ-մարման աշխատանքի կատարման ժամանակի հետ: խաղողուտը Հայաստանում խշմարվում էր մայիս ամսին. հետևաբար պիտի ենթադրել, որ ուրարտական այս տոնը ևս կատարվել է մայիսին: Հայաստանում մայիսին էր կատարվում համբարձման տոնը, որը շնայած իր քրիտոնական բնութագրին, ունի շատ ավելի հին արմատներ, այն չրի ու ծաղկի տոն է եղել և հետագայում էր, որ Վանա լճի շրջակայքում այն առնչվում էր Մհերի դռան պաշտամունքի հետ⁹¹:

Մհերի դռան արձանագրությունում հիշատակված երրորդ տոնն առնչվել է խաղողի հասնելու և բերքահավաքի հետ: խաղողը Հայաստանում հասնում ու հավաքվում է օգոստոս ամսից սկսած: Բերքահավաքի ու տնտեսական տարվա ավարտը նշող հին հայկական տոնը կատարվում էր հայոց նավասարդ (օգոստոս-սեպտեմբեր) ամսին (Հայաստանում, համեմատաբար ավելի ուշ շրջա-

⁸⁷ Ղևոնդ Ա ի շ ա ն. նշվ. աշխ., էջ 139: Ա. Ա. Օդաբաշյան. նշվ. աշխ., էջ 12—16:

⁸⁸ Հեթիթական աշխարհում ևս, որը գրավում էր Ուրարտուին նման բնակիչմայական պայմաններով տարածք, նոր տարվա գալուստը նշվում էր զարնանը. ամանորյա տոնն այստեղ կրում էր փոքրուկի անունը (B. Г. Ардзениб а. Указ. соч., с. 7):

⁸⁹ УКН, № 27, стр. 3, 35.

⁹⁰ Б. Б. Пнотровскнй. Кармир-блур II, с. 21—23.

⁹¹ Մ. Արեղյան. Հայ ժողովրդական «ավատք».—Երկեր, հ. է, Երևան, 1975, էջ 54—55:

նում, այս ժամանակ էր տոնվում նոր տարին)։ Այս տոնի արարողություններից մեկը խաղողօրհնքն էր, ծես, որը կատարվում էր Աստվածածնի տոնին (օգոստոս) և միայն սրանից հետո էր թույլատրվում վաճառել կամ օգտագործել խաղողը⁹²։

Իացի Մհերի դուան արձանագրությունից, ուրարտական երեք այլ սեպագրերում ես վկայություններ կան երկրագործական-եղանակային տոների մասին. խոսքը Մինուա արքայի՝ Գյուղակի, Արգիշթե II արքայի՝ Արճեշից ոչ հեռու գտնված և Ռուսա II արքայի՝ Ջվարթնոցի արձանագրությունների մասին է։

Գյուղակի արձանագրությունում. «Մինուան ասում է. — երբ խաղողուտը (խաղողի բերքը) հասնի (°), ցուլ (և) 3 խոյ թող զոհաբերվի հալդե աստծուն (և) արարողություններ թող կատարվեն ինչպես հալդե աստծու դարպասների, այնպես էլ կոթողի առջև։ Երբ խաղողը հավաքվի (°), տոն (°) թող կազմակերպվի հալդե աստծու դարպասների մոտ, տոն (°) Ուարուրաինե դիցուհուն, տոն (°)՝ հալդե աստծուն, կոթողի առջև»։

Աստուղ անկասկած խոսքը Մհերի դուան արձանագրությունում երրորդը հիշատակված տոնի սկզբի (բերքահավաքի սկիզբը նշանակող) և ավարտի (բերքահավաքի ավարտը նշանակող) մասին է։

Ջվարթնոցի և Արճեշի արձանագրություններում նույնպես խոսք կա երկրագործության հետ կապված ծիսական արարողությունների մասին, այս անգամ արդեն նկատի ունենալով ոռոգման հետ կապված աշխատանքների առանձին փուլերը։ Սակայն այս արձանագրությունների համապատասխան հատվածները ստույգ թարգմանություն չունեն, այդ իսկ պատճառով, կարելի է ենթադրել միայն, որ խոսքը Մհերի դուան արձանագրությունում հիշատակված ծիսական արարողությունների երկրորդ՝ բերքահավաքին նախորդող փուլի մասին է, որի ժամանակ էին կատարվում ոռոգման աշխատանքները⁹³։ Հակառակ դեպքում պիտի ենթադրել, որ այդ զոհաբերությունները նշել են ջրանցքի շինարարության տարբեր փուլերի ավարտը⁹⁴։

* * *

Ուրարտուում եղել են նաև այլ ծեսեր, որոնց մասին տվյալները էլ ավելի սակավ են, կամ բոլորովին բացակայում են. հայտնի է միայն, որ համապատասխան զոհաբերություններ են կատարվել քաղաքների, տաճարների, տների ու այլ շինությունների հիմնադրման ժամանակ ու կառուցումն ավարտելուց հետո։ Սասնավորապես Կարմիր բլուրի արձանագրությունում հիշատակվում է զոհաբերությունների մասին, որոնք պիտի կատարվեին տաճարի կառուցման տարբեր փուլերում, իսկ Արգիշթեխինելե քաղաքի արևելյան ամրոցի պեղումների ժամանակ, պալատական համալիրի սենյակների ծեփի տակ (բոլոր այն դեպքերում, երբ ստուգման նպատակով ծակվել է սենյակի հատակը) բացվել են զոհաբերված կենդանիների ոսկորներ։

Բ. Բ. Պիոտրովսկին, ընենելով ուրարտական կնիքների պատկերագրությունը, ուշադրություն է դարձրել կենաց ծառի պաշտամունքի հետ կապված արարողությունները պատկերող փորագրությունների վրա։ Հետաքրքիր է, որ այդ արարողություններին մասնակցել է նաև արքան, առյուծի ուղեկցությամբ։ Վեր-

92 Ա. Ա. Օդաբաշյան. նշվ. աշխ., էջ 23։

93 Տե՛ս Ջվարթնոցի արձանագրության Գ. Ա. Մելիքիշվիլու առաջարկած թարգմանությունը (ՄԿԽ, с. 345)։

94 Տե՛ս Յ. Վ. Փյոնիգի (HChI, № 126, IV—V) և Հ. Հ. Կարապյոզյանի [Հ. Հ. Կարապյոզյան. Ուրարտական աղբյուրները Հայկական լեռնաշխարհի և հարևան պետությունների մասին (ՈւԱ). — Հայ ժողովրդի պատմության քրեստոմատիա. Երևան, 1981, № 36] առաջարկած թարգմանությունները և Արճեշի արձանագրության Փյոնիգի առաջարկած թարգմանությունը (HChI, № 125, S. 156)։

հինս, ինչպես ենթադրվում է, պահվել է ուրարտական տաճարներում որպես սուրբ կենդանի:

Հին աշխարհում ծիսական արարողությունները հաճախ ուղեկցվում էին մարդական խաղերով. այդպես էր նաև Հայաստանում ու հեթիթական աշխարհում, ուր «մրցություններ» էին տեղի ունենում գրեթե բոլոր տոներին: Հայտնի է, որ հեթիթները մրցում էին վազքում, հեծելավազքում. ըմբշամարտում և այլն⁹⁵. Ամենայն հավանականությամբ Ուրարտուում ևս նման տոնակատարություններն ուղեկցվում էին մրցությամբ, որոնց մասնակցում էր նաև արքան. այդ մասին են վկայում Մինուա արքայի Սղգայի կոթողը. ուր հիշատակվում է Մինուայի արտակարգ հաջող թռիչքի մասին. իր Արծիբինե ձիուն նրստած⁹⁶, ինչպես և Արգիշթե II արքայի արձանագրությունը. ուր խոսվում է այն մասին, որ Արգիշթե II-ի արձակած նետն անցել է 950 արմնկաշափ (+76 մ) տարածություն⁹⁷. Պիտի ենթադրել, որ այս կոթողները կանգնեցվել են մրցությունում նրանց տարած հաղթանակի առթիվ:

Ենթադրվում է, որ արագության մրցումներն ու այլ «խաղեր» ունեցել են տիեզերքի արգասաբեր ուժերի խթանմանն ու վերածնմանը նպաստող նշանակություն, ինչպես անհատի, այնպես էլ ամբողջ կոլեկտիվի համար ճգնաժամային ժամանակներում. նախ և առաջ գարնանը և աշնանը⁹⁸:

Տիեզերքի եռամսնուրյան մասին պատկերացումն Ուրարտուում: Տարածության ու ժամանակի մասին ուրարտացիների ունեցած պատկերացումների մասին տվյալները սակավ են: Պիտի ենթադրել, որ Հայկական լեռնաշխարհի բնակիչները դարեր շարունակ առնչվելով Միջագետքի ու Փոքր Ասիայի քաղաքակրթությունների հետ, ծանոթ էին նրանց նվաճումներին այս բնագավառում, որին գումարված պիտի լինեին նաև սեփական փորձը: Բուն ուրարտական աղբյուրներից, սակայն, հայտնի է միայն, որ ուրարտացիները ժամանակը բաժանել են տարիների (տե՛ս, օրինակ, Արգիշթե I և Սարգուրե II արքաների տարեգրությունները), իսկ տարին՝ ամիսների⁹⁹. Երկրագործական-եղանակային տոների գոյության փաստն Ուրարտուում վկայում է այն մասին, որ տարին այստեղ բաժանվել է եղանակների: Քանի որ հայտնի են երեք նման տոներ, ապա կարելի է ենթադրել, որ ուրարտական եղանակներն էլ եղել են երեքը:

Տիեզերքի կառուցվածքի մասին եղած պատկերացման մասին ուրարտական աղբյուրներից հայտնի է միայն մեկ տվյալ. Մհերի զուռն արձանագրությունում զոհեր են մատուցվում Ելենների աստծուն՝ 1 ցուլ (և) 2 խոյ, դաշտերի աստծուն՝ 1 ցուլ (և) 2 խոյ, ծովերի աստծուն՝ 1 ցուլ (և) 2 խոյ¹⁰⁰, որոնք կազմում են ուրարտական դիցաբանի սրբությունների 7-րդ խումբը¹⁰¹: Դեռևս Մ. Թիմշնայդերն է մատնանշել «երեք» թվի պաշտամունքի առկայությունը

⁹⁵ В. Г. Ардзинба. Указ. соч., с. 79—81.

⁹⁶ УКН, № 110.

⁹⁷ УКН, № 277.

⁹⁸ В. Г. Ардзинба. Указ. соч., с. 80.

⁹⁹ ՈւԱ, էջ 81, ծան. 19:

¹⁰⁰ «Լեռների աստծուն» KUR ebaninaue DINGIR (HChI, № 10, տող 18), Ն. Ն. Կաբադյոդյանի թարգմանությամբ՝ «Լեռնիների աստծուն» (ՈւԱ, № 6): «Դաշտերի աստծուն» KUR alganinaue DINGIR (HChI, № 10, տող 18), Ն. Ն. Կաբադյոդյանի թարգմանությամբ՝ «Գաշտեցիների աստծուն» (ՈւԱ, № 6): «Ծովերի աստծուն» ENGUR Suminaue DINGIR [УКН, № 27, стр. 19, 64, HChI, № 10, տող 19, 64. այս հրատարակություններում ENGUR «ծով», «ջրային անհունություն» ցուցիչը կարգացված է DINGIR (շատաված) ձևով, Ցուցիչի հիշտ ընթերցումն ENGUR ձևով առաջարկել է Մ. Ու. Իսրայելյանը]:

¹⁰¹ Ս. Գ. Հմայակյան. Ուրարտական դիցաբանի սրբությունները. — «Պատմա-բանասիրական հանդես», 1981, № 3, էջ 210:

Ուրարտուում¹⁰², հիմնականում նկատի ունենալով այն հանդամանքը, որ ուրարտական շատ արձանագրություններ կրկնվում են երիցս։ Այս ենթադրության օգտին է խոսում նաև գիցարանի կառուցվածքը, քանի որ Ուրարտուի գլխավոր աստվածները երեքն են։ Երեքն են և գլխավոր աստվածուհիները։ Աստվածություններն ամփոփված են երեք արական և երեք իգական խմբերում։ «Սրբությունների» խմբերը կազմված են երեքական հասկացություններից (մեկ բացառությամբ)։ Հետևաբար սպասելի է, որ Ուրարտուի երեք գլխավոր աստվածությունների անունները (գլխավոր եռյակը) Մհերի դռան արձանագրությունում հիշատակվեն երեք անգամ և ոչ թե երկու, ինչպես կարծվում է։ Հնարավոր է, որ այս խմբում ամփոփված հասկացությունները հենց գլխավոր եռյակի երրորդ հիշատակությունն են արձանագրությունում. այսինքն, «Երեքների աստված» անվան տակ նկատի են առնվել խաչդեն ու երկինքը (լեռը երբեմն երկնքի, իսկ «Համաշխարհային լեռը» նաև տիեզերքի նշանակն էր, իսկ խաչդեն, ուսումնասիրողների մեծ մասի կարծիքով, երկնքի աստվածն է եղել), «Պաշտերի աստված» տնվան տակ՝ Թեյշերան ու երկիրը [Թեյշերան, որպես պաշտերի աստված անձրևի աստվածությունն ափսոսի որ առնվել էր և Պաշաերի (ըստ Ն. Ի. Գրոմեզովի՝ «Երեքաստու Պաշաերի») պաշտամունքի հետ], իսկ «Ժողովրդի աստված» անվան տակ՝ Շիվինեն (Շիվինենի՝ արեի աստվածության և ծովի՝ հանդերձալ աշխարհի նշանակներից մեկի, փոխառնություն մասին են վկայում հեթանոսական ու հայկական առասպելները։ Ըստ հեթանոսական մի առասպելի արեվի աստվածությունը ծագել է արևելյան ծովից. ալդ ծովը, ըստ Վ. Վ. Իվանովի, վանա լիճը կարող է լինել։ Համաձայն Վանի շրջակայքից Գարեգին Սրվանձտյանցի հավաքած ավանդությունների՝ արեի մայր է մտել Վանա լճում, լիճ, որը նույն ավանդությունների համաձայն ընկալվել է որպես այն աշխարհի նշանակ)։ Այս երեքյակը ամբողջովին համընկնում է համանման հեթանոսական պատկերացումների հետ, ուր «ծով» հասկացությունն առնվում էր արեի պաշտամունքի ու հանդերձալ աշխարհի հետ, «խորունկ հովիտներ» հասկացությունը՝ երկրի, իսկ «Երեքներ» հասկացությունը՝ երկնքի հետ¹⁰³։ Այլ խոսքով՝ ուրարտացիների պատկերացմամբ տիեզերքը կազմված է եղել երեք աշխարհներից՝ երկնքից (վեր), երկրից (մեջտեղ) և սառդեհտնյա աշխարհից (վար)։

КУЛЬТОВЫЕ СООРУЖЕНИЯ. ЖРЕЧЕСТВО, РИТУАЛЫ И ПРЕДСТАВЛЕНИЯ О ТРЕХЧАСТНОСТИ ВСЕЛЕННОЙ В УРАРТУ

С. Г. АМАЯКЯН

Резюме

В статье рассматриваются урартские культовые сооружения Е.дом*, Е.ВАР «храм», suse (Е.ВАР TUR) «малый храм», iagane (Е.ВАР Ш.А.ДИ), «горный храм» «обитель», КА «ворота», переносно—«храмовый комплекс», puluse «стела», Е.asiljuse «дом жертвоприношения». Приводятся свидетельства того, что город Мусасир (Ардаши) был культовым центром царствующей династии. Религиозным центром урартского государства был город Тушпа, а верховным жрецом страны—царь. Рассматриваются ритуалы коронации, военного похода, сезонно-аграрные ритуалы, погребальный обряд. Говорится и о том, что в надписи Мегри дур, в седьмой группе «святынь» нашло отражение представление урартов о вертикальной структуре вселенной.

¹⁰² M. Riemchneider. Die urartäischen Gottheiten.—Orientalia, Vol. 32, Fasc. 2. Nova series, S. 158—159.

¹⁰³ В. Г. Ардзинба. Указ. соч., с. 89—97.